

宋

會

要

冊令親王出居

國朝開寶通禮載三師三公親王大臣臨軒冊命儀凡
降制命宰相親王使相樞密使西京留守節度使及公
主制書皆有脩禮冊命之文多上表辭免而未嘗行其
制並翰林草詞夜中進入翌日自內置於箱二黃門對
捧立於御座之東內廷退黃門捧箱降殿出殿門外宣
付閤門使降置案上俟文德殿立班閤門使引制案出
東上閤門橫街南當殿宣付中書門下宰臣跪受捧制
歸位轉付通事舍人赴宣制位舍人唱其名宣訖復授
宰臣宰臣轉授堂後官若后妃親王公主即先稱有制
百官再拜宣畢復舞蹈如宰臣加恩制書即宣付通事

舍人引宰臣於宣制台東北向再拜立聽訖拜舞還位
如百官授制者即自班中引出聽麻文班在宣制右東
武班在西並如宰臣儀聽訖出赴朝堂其罷相者即引
出赴朝堂舍伏舍如別無中書門下及參知政事其
制書^真赴堂後官凡宰臣親王樞密使節度使告勅皆
閣門使於朝謝前一日從內出東上閣門外宣詞以賜
凡降麻者所^禮和使相並列^衛如授節者仍交旌節後
賜者^儀就旌節^文於頭上者三凡參知政事宣徽使
樞密副使大兩省兩制祕書監上將軍觀察使以上其
授官告勅麻皆拜勅舞蹈於殿門上若止授勅或宣頭
者止再拜餘官於殿門階下止再拜若上勅或宣頭不

拜御史大夫中丞拜殿授東上閤門使又引至殿門外
中龍門再拜凡親王使相節度使官誥並載以綵輿迎
歸第親王與中設銀香師子香合輦官十二人並僕頭
緋結寬衣旌節各二馬西樞稍官十六人執旌節擺馬
對引由乾元門西偏門以出至門外馬技騎士五十人
槍牌步兵六十人教坊樂工六十五人及百戲蹴鞠關
鷁角觝次第迎引左右軍巡使其軍容前導至本宮使
相節度使與中用銀香鑪輦官十二人金裝帽錦絡總
紫結寬衣旌節各一馬二樞稍官八人馬技騎士二十
人槍牌步兵二十四人軍巡使不前導餘如親王之制
太宗淳化五年五月六月兩降白麻以府州觀察使

折御卿為永安軍節度使加檢校太保食邑五百戶以
同討李繼捧之功也是日夏至假百僚不入御史臺未
明追班序立於庭以宣制書非常也二十一日右僕射
李昉以司空致仕令男宗諤齋詔書就第賜之真宗
景德二年二月三日武寧軍節度使同中書門下平章
事石保吉馬軍都指揮使威德軍節度使葛霸上言奉
制加恩舊例自閣門拜受出乾元門用鼓吹優樂前導
歸第伏以聖上格大行皇太后心喪方在徹縣迎受之
儀望賜得暇從之十月七日詔每遇降麻及宣御制
皇城司殿前司指揮把門人員不得放非立班人於殿
庭聽宣如違並當重行朝典大中祥符元年十二月

十五日帝謂王璠等曰先帝每命宰臣親王降制則不御崇德殿視朝應有故事其旨以命宰臣親王視帝王不專耶是日以廢行宰臣親王節度使皆有制加恩故帝詢及於此三年十二月詔刺史少卿監已上在外任其加恩告勅如有親屬願齋送去者並聽自餘馬逸降下四年六月寧王元偓等言昨奉聖恩俱膺寵命以從弟德存身亡顯有服式迎授之曰合陳音樂有此未便又緣諸鎮節度使各授麻制望頒朝旨先令迎授從之八年四月十五日樞密院言新樞密使王欽若陳堯叟及武勝軍節度使寇準各上表辭恩命其允批荅合差使臣六人齎賜詔樞密副承旨中書堂後官

主事齋送所得事例各令均分副承旨堂後官為一等
主事守闕主事為一等內提點五房公事劉明恕量與
加賜自今並依此例二十二日王欽若陳堯叟上言臣
等欲以二十八日與寇準同入謝緣準二十七日私忌
望許準先中謝訖別日迎受帝曰此非故事理亦不便
不若各自謝也準又表請罷迎受可之 二十三日榮
王元儼降封端王宣制於崇政殿門之外時榮王宮火
延燔殿庭故也 十二月十七日禮儀院言皇子壽春
郡王告勅望令中書進呈別擇良日闕門使押引詣內
東門進納宮中給賜詔令闕門使就內東門依降麻官
告例賜 二十四日闕門言儀制宣賜親王告勅闕門

使稱有敕再拜口宣訖稽笏跪授候稍過元大興再拜
播笏舞蹈三拜退將來宣賜壽春郡王告勅稱有敕拜口宣
應諾跪授後擬只再拜隨拜萬歲退詔可 九年八月
十三日樞密使同平章事陳堯叟罷為右僕射未辭恩
命答詔不允遣使臣齎賜第名堯叟子賜之 天禧二
年二月四日樞密院言楚王加恩自來不遣使賜批詔
望依例進內壽春郡王加恩合有迎授恩命詔罷迎授
之禮其告勅如八年例於內東門賜王餘如所請旌節
令周懷政就元符觀內安置 八月五日王旦授太尉
王昭應官使時旦居疾在告不能赴朝謝特命其子大
理評事雍就賜其謝恩日賜物亦令就第賜之 以上國

朝會安治平四年神宗即位未改元三月十九日皇弟

東平郡王顥言家恩授兩鎮節度使進封昌王仍令所司擇日備禮冊命竊以臨軒冊命之禮國朝以來雖元功鉅德之臣未嘗敢有當之者伏望收寢冊命從之

哲宗元祐三年四月五日尚書右僕射兼中書侍郎呂公著除司空同平章軍國事一月三赴經筵二日一朝

因至都堂議軍國事令所司備禮冊命於是公着克冊

禮令學士院降詔從之故事親王大臣例辭冊禮後

不復書以上諸國朝會要高宗紹三十年三月二十七

日詔曰朕荷天祐序承列聖之丕業思所以垂裕於後

夙夜不敢康永惟本父之重疆固王室親親尚賢厥有

古義善安郡王

孝宗舊名

藝祖皇帝七世孫也自幼鞠

于宮闈雖然不群聰哲端重閱誼有立亢于宗藩歷年

滋久厥德用茂望實之懿中外所聞朕將考禮正名昭

示天下立愛之道始于家邦自古帝王以此明人倫而

厚風俗者也稽若前憲非朕敢私其以孝宗舊名為皇

太子仍改賜名

孝宗舊名

可特授寧國軍節度使開府

儀同三司進封建王仍令所司擇日備禮冊命制曰聖

人謹禮其垂百世之規君子為親爰假有家之吉朕祇

膺景命寅奉丕圖思置天下於磐石之安必修公室於

維成之固恩繇肯始國以宗彊事資右序之休用協榮

懷之慶我有明命敬于大庭皇子檢校少保常德軍節

度使晉安郡王 李宗舊名 遼東天成萬畝時敏體備五
行之秀氣秉四序之和問安蚤侍於宮闈學禮不煩於
師傅旋閉邸第就畀齋旄卓犖不群允矣神明之胄溫
良持重居然信厚之風韞才識以益充居富貴而不溢
游心典籍惟前言往行之師接席賓僚有春誦夏弦之
樂用是采存騰獎肆示褒嘉錫山與田冊王封之真命
維衮及黼視宰路之緼儀易宣威之巨藩疇爰田之多
邑以止本反之形勢以新中外之觀瞻於歲昭令德以
示子孫朕無忘於斯義藩王室以和兄弟爾思配於前
人勉服訓辭益光蕃衍辭免受冊降詔宜允 以上中興
會要 紹興三十二年 李宗即位未改元 七月八日特進

觀文殿大學士判建康府充江南東路安撫使馬步軍
都總管兼行宮留守專一措置兩淮事務兼節制淮東
西建康鎮江府江池州軍馬和國公張浚除少傅依前
觀文殿大學士充江淮東西路宣撫使建康府置司仍
節制建康鎮江府江陰軍江池州屯駐軍馬進封魏國
公令所司擇日備禮冊命 二十一日少保保康軍節
度使充萬壽觀使吳益除少傅進封太寧郡王充醴泉
觀使仍令所司擇日備禮冊命九月一日皇子蘄州防
禦使愷除少保永興軍節度使進封鄧王皇子貴州團
練使愷除雄武軍節度使開府儀同三司進封慶王皇
子榮州刺史愷除鎮兆軍節度使開府儀同三司進封

恭王並令所司擇日備禮冊命 二十八日少傅奉國
軍節度使四川宣撫使領御前諸軍都統制職事充利
州西路安撫使判興州充陝西河東路宣撫招討使成
國公吳璘除少師餘如故令所司擇日備禮冊命 孝
宗隆興元年十二月三日特進尚書左僕射同中書門
下平章事兼樞密使信國公陳康伯罷尚書左僕射授
少保觀文殿大學士判信州進封福國公仍令所司擇
日備禮冊命 乾道元年五月二日少師奉國軍節度
使四川宣撫使領御前諸軍都統制職事充利州西路
安撫使判興州吳玠除太傅進封新安郡王餘如故仍
令所司擇日備禮冊命 六月十六日少傅保康軍節

度使充禮泉觀使大寧郡王吳益隆少師餘如故寧武
軍節度使開府儀同三司充萬壽觀使永嘉郡開國公
吳益隆少保餘如故並令所司擇日備禮冊命三年十
二月十八日少師保康軍節度使充禮泉觀使大寧郡
王吳益隆太傅餘如故令所司擇日備禮冊命七月
二月八日皇子雄武軍節度使開府儀同三司慶王愷
除雄武保寧軍節度使依前開府儀同三司判寧國府
進封魏王餘如故令所司擇日備禮冊命八年九月
十二日少傅觀察殿大學士江淮東西路宣撫使虞允
文除少保武安軍節度使充四川宣撫使進封雍國公
令所司備禮冊命九年十二月十七日皇叔祖檢校

少保昭化軍節度使開府儀同三司判大宗正事嗣濮
王士勗除少保餘如故今有司備禮冊命同日皇兄檢
校少保岳陽軍節度使開府儀同三司充萬壽觀使永
陽郡王居廣除少保餘如故仍令所司備禮冊命以
上並辭免冊命降詔從之以上乾道會要

群官儀制

續宋會要

淳熙元年八月十一日詔右丞相曾懷朝參日許肩輿至殿門外令閤門差承受二人以備扶掖起居陞殿奏事五月三日詔少保觀文殿學士充禮泉觀使侍讀史浩免從駕先是史浩言被旨令臣合班處於宰臣之東一行歇空立班從駕日在少保永陽郡王居廣之東行馬並在執政官之上臣竊執政大臣實佐天子出令非歸班奉祠之比使居上列臣所未安欲援少傅嗣濮王士輅例特免從駕其立班乞只於執政一行近東別作一班故有是命九月十四日上謂輔臣曰每日常朝可同後殿之儀不必稱丞相名趙雄奏曰君前臣名

禮也臣豈敢當陛下欲少更朝儀須俟他日有碩德在
位行之未晚決不可自微臣始上曰記得蘓洵亦嘗論
此謂名呼而進退之非體貌大臣丞相不須多辭於是

詔自今垂拱殿日參軍宰臣持免宣名

尋詔除朔賀六

參拜人使在庭儀具餘拜先宣召內樞密使日參如遇

御班亦免宣名十年十一月十一日詔史浩以蒲即舊

臣再登按席力求休致已有所請可持依曾公亮例令

赴闕入謝

浩以病弱無乃乞寬假別具陳乞入謝詔從

之

紹熙元年三月十六日詔榮陽郡

王伯圭到闕差內侍任邦俊傳宣撫問并賜銀合茶藥
六月十日詔太師魏國公史浩度暑方隆宜加調養當

俟小愈可即造朝既而浩言蒙荐賜宣召臣以老病木
瘠嘗三具辭免準詔不得更有陳請臣幽棲南里人所
不顧獨荷兩宮軫記疇昔不忘舊物俾趨闕庭綸言三
錫恩意鼎來又蒙親灑宸翰有曰至尊壽皇聖帝深念
舊學之臣見於慈訓而陛下亦以遵去之久每懷注想
今臣宜體眷渥亟為此來誠以抱病行及半年未有生
理正恐當此隆暑跋履三江實命中途乞降敕旨許免
此行容臣一意調養故有是詔 二年二月二十一日
詔太師魏國公史浩候到闕朝見等許肩輿入至陽門
裏仍令子孫一人扶持同日又詔令學士阮降詔疾速
赴闕 四月三日太師魏國公史浩言昨自列年休致伏

蒙至尊壽皇聖帝憫臣為係攀附舊臣再曾入相許給
全祿請給人從恩教等並依前任少保至少師日已得
指揮臣既為閑人不管職事乞將俸賜止依致仕祿格
反破吏卒悉從罷遣詔賦祿給使此壽皇聖帝優佚故
老之恩朕惟子道先於養志當務增加豈應錮削所乞
不允不得再有陳請七日詔太師魏國公史浩孫定之
持與循兩資以定之扶侍浩朝見故有是命以上光
宗會要慶元元年二月六日詔皇伯祖太師嗣秀王伯
圭可賜贊拜不名以伯圭爵高俱茂特降是詔六年五
月十九日詔左丞相京鐘權令乘轎入內趨赴朝參以
鐘唐傷特降是詔嘉泰三年十一月十一日南郊赦應

文武陞朝官以上致仕者等第賜粟帛羊酒內曾任太
中大夫觀察使以上仍別作等差務從優厚開禧二年
以後明堂赦至同同日赦內應士庶男子婦人年九十
以上與依格給賜粟帛等令戶部疾速行下所在州縣
就賜於係省錢內支具給賜過姓名開奏不得追擾仍
仰監司檢察開禧三年三月十三日詔項安世父奉
議即致仕項溫恭教子以忠屢宣勞效特轉朝奉大夫
致仕仍賜紫章服

以上字字會要

東會集 冊今親王大志二

十八年監登聞鼓院徐璉言國家遠稽三代肇建原廟
凡是佐命配享與夫當時輔弼勲榮之臣繪像於廟庭
以示不忘崇德報功之意累朝佐命配享功臣不過十
餘人今之臣僚與其家之子孫必有存其繪像者望詔
有司尋訪復摹於景靈宮廷之壁非獨假寵諸臣之子
孫所以增重祖宗之德業以為臣子之勸懲部討論欲
下諸路轉運司委所管州軍尋訪配享功臣之家韓王
趙普周王曹彬太師薛居正石熙載鄭王潘美太師李
沆王旦李繼隆王曾呂夷簡侍中曹瑋司徒韓琦太師
曾公亮富弼司馬光韓忠彥各令摹寫鰭像投納繪畫

於景靈宮廷壁從之

真宗咸平二年二月十二日詔曰朕聽政之暇觀書益專遂見國初始經王業我太祖皇帝將膺帝箴已肇人謀當或躍之秋屬難艱之際周微呂望安能定不拔之基漢匪蕭何無以左勃興之運時則有故太師贈尚書令追封韓王謚忠獻趙普蘊負鼎之雄才畜經邦之大畧首參密畫力贊沉機輔弼兩朝出入三紀茂嚴廓之碩望分屏翰之劇權正直不回始終無玷播為巨美勒在豐碑實千載之偉人庶九原之可作烈魄未陪於嚴祀彝章曷稱於有知遂俾縉紳詳求典故考行既聞於餘裕出綸必叶於通規義著幽明道符今古宜以普配

饗太祖廟庭仍遣官奏告本室八月二十五日翰林學士承旨宋白等議請以故樞密使兼侍中贈中書令追封濟陽郡王曹彬配饗太祖廟庭故司空兼門下侍郎同中書門下平章事贈太尉中書令薛居正故正武軍節度使同中書門下平章事贈中書令潘美故尚書右僕射贈侍中石熙載配饗太宗廟庭詔從之九月二十七日太常禮院言準詔定配饗功臣禘祫之日祀儀請令有司先事設帳次布褥位於廟庭東門內道南當所配室西向設位板方七寸厚一寸半簋豆各二盞簋俎各一知廟卿真爵再拜詔可仁宗乾道元年十一月二日翰林學士承旨李維等奏議曰伏以真宗文明章聖

元孝皇帝紹隆景業馴致治平睿聖之功誠超諭於遠
古忠賢之佐亦協贊於大猷爰舉禮經用陪廟食有若
尚書右僕射兼門下侍郎同中書門下平章事贈太尉
中書令李沆往以碩望賓于東朝洎翔天飛首登宰府
咸平之治實著嘉謀以方正端朝以嚴重鎮俗始終待
遇冠於一時太尉贈太師尚書令王旦踐厯台樞將二
十載贊弭兵之論興曠世之儀紀律用張方夏咸入諄
然令德洽于民瞻忠武軍節度使同中書門下平章事
贈中書令李繼隆舊勲之門克嗣前烈沉毅有勇個儻
好謀從韋澶淵實總兵要奮威却敵厥功茂焉並宜列
太室之庭預大烝之饗冀昭盛烈允叶舊章伏請並配

饗^真

宗皇帝廟庭詔禮官參議詔可天聖元年二月樞

密使錢惟演上言真宗皇帝將祔大宮有司議以功臣

配饗臣先臣尚父秦國忠懿王俶勲隆興葉位重累朝

親率王徒平百年之僭偽躬持國籍獻十里之封疆忠

忠誠格于^皇天茂績標於博史所以太祖太宗命無下拜

賜以不名洎先聖之纂承念遺勲而益厚舉諸殊渥萃

此一門在乎皇朝誠居第一至今清廟之內未預配享

况吳芮歸漢甲令書勲實融入朝雲臺畫像隋唐而下

侯王配食方冊之內往例甚明伏望依禮降詔配饗祖

宗廟庭詔兩制與崇文院檢討禮官同共詳議以聞翰

林學士承旨李維等奏議請錢俶配饗太宗廟庭奏入

不下英宗嘉佑八年十月十九日翰林學士王珪等奏
准詔下兩制定議仁宗祔廟當以何人配享臣等伏以
仁宗饗國長久勵精政治以知人之明得馭臣之體是
以彀美材傑樂為之用外宣威靈內經廟畧臣主感會
馴致太平輔相則有故尚書右僕射贈尚書令謚文正
王曾忠允清亮履德經哲致位上宰災和大政乾興之
初輔翊兩宮仗正持重中外以安所謂以道事君無媿
前哲故太尉贈尚書令謚文靖呂夷簡聰明亮達規模
宏遠服在大僚歷登三事左右皇極勤勞王家二十餘
年厥功茂焉將師則有故彰武軍節度使贈侍中謚武
穆曹瑋敦詩閱禮秉義經武參謀帷幄折衝萬里鎮綏

方面隱如長城加以恂恂循道有古名將之風焉皆有
功迹見稱於世伏請並配饗仁宗廟庭從之以出神
宗熙寧八年六月二十七日制曰功茂者膏惟其稱德
厚者報不可忘故命冊褒崇舊史有追封之典祀祧躋
配前書存與餐之文蓋君臣之義不獨欲榮寵之於其
生抑邦家之光寶亦冀顯揚之不朽惟時故老翼我前
朝式敷誥於治庭肆儀圖於典禮故永興軍節度使守
司徒檢校太師兼侍中魏國公贈尚書令韓琦才賢沈
偉宇量恢宏勇義出於至誠朴忠可以大受盡瘁於國
利無知而不為任重於時事雖難而必濟惠澤有加於
四海謀猷實紀於三朝緬懷弼亮之勤重起淪亡之痛

是用進登烈考之清祔俾序功臣於大烝上以慰祖宗
之靈下以為忠義之勸於戲為臣至此可無愧於前良
與國同休庶永傳於茂烈茲惟盛美以答元勲可配饗
英宗廟庭十年十二月二十八日詔太常禮院講求親
祠太廟不及配饗功臣禮例以開元豐元年閏正月七
日太常禮院言今講求到親祠太廟不及配享功臣非
所以稱國家褒錄祖宗功臣之意禘祫之外親祠太廟
並以功臣配饗從之二十八日詔贈太師中書令魯公
亮配饗英宗廟庭八月二十六日太常禮院言依典禮
今年十月八日孟冬薦饗太廟合改為祫饗并福祭七
祀兼配饗功臣從之三年六月二十八日詳定郊廟奉

祀禮文所言謹按書盤庚曰茲予大饗于先王爾祖其
從與饗之周禮司勳凡有功者祭於大烝然則書之所
謂大饗即禮之所謂大烝也烝冬祭也謂之大者物成
衆多之時其祭比三時為大也方是時百物皆報焉祭
有功宜矣禮記祭統衛孔悝之鼎銘曰勤大命施于烝
彝鼎後世烝祭不及功臣既不合禮而禘祫及之事不
經見梁初誤禘功臣何終之以謂夏物未成而帝功未
為非典禮至唐韋挺亦曰禘無配不可去臣理不可易
今禘祫以功臣配饗而冬烝不及與經不合蓋因仍之
誤也伏請每遇冬烝以功臣配饗其禘祫配饗罷之詔
凡冬饗禘祫及親祠功臣並配饗四年六月二十四日

太常禮院言詳定到太廟配饗功臣位版題號稽參攷
事在漢史所圖名臣及二十八將事異配饗惟唐廟配
食功臣見於通典及會要既著立朝爵位仍題初贈官
以本唐典今再看詳將檢校官刪除自趙普而下並令
一體外所有後來緣恩加贈官如以也出自恩禮義難
不著即乞自朝廷詳酌照送禮院如軍書姓名有無與
擬禮院言檢詳配饗功臣位版軍書姓名即無與擬詔
用見贈官

崇寧元年二月九日詔觀文殿大學士贈太師蔡確配
饗哲宗廟庭政和會要載上謂韓忠彥等曰確於哲廟
甚有功方皇太后當從神宗靈駕西行確密有文字令

弟頌屬內臣闕守懃達太后請留保護太后請故輟行
保佑哲廟晨夕常與之俱食以銅匕箸至於飲水亦為
之親嘗為德甚厚確文字今尚在故有是詔政和七年
十二月十八日禮制局言配饗功臣位版尚用舊官並
合除去止用所贈及封國爵謚如王安石稱太傅舒王
謚文之類從之以上續國朝會要神宗皇帝實錄章惇
提舉修撰審有建立之功不應乃自刊削不載參考其
事本末甚明可令國史院別是官撫實刊修播告天下
其蔡確蔡卞邢恕蔡懋三省取旨行遣仍不得引用建
炎元年五月一日赦文十七日蔡確追所贈太師汝南
郡王責授武泰軍節度副使蔡卞追所贈太師衛國公

責授寧國軍節度副使邢恕追所贈少師責授常德軍
節度副使蔡懋責授單州團練副使英州安置尋有詔
以司馬光配饗哲宗廟庭此據司馬光傳修入月日

未獲

二年夏久陰不解詔百執事赴都堂給劄條具時

政闕失

司

勲負外郎趙鼎言紹聖以來學術政事敗壞

殘酷致禍社稷其源實出於安石今安石之患未除不

足以言政於是罷安石既享神宗廟庭尋詔以富弼配

饗神宗廟庭

此據王安石傳修入日月於未獲 此二

節續國朝會要內移入八年三月十七日左朝奉大夫

試刑部尚書兼侍讀胡文修翰林學士左朝奉大夫知

制誥兼侍講資善堂翊善朱震左奉議郎試御史中丞

周祕右朝散大夫試戶部侍郎梁汝嘉左朝請大夫試
工部侍郎兼侍講趙需左朝散大夫試給事中兼直學士
院兼侍講胡世將左朝散郎試中書舍人張燾左朝奉
大夫權戶部侍郎兼詳定一司勅令王侯立朝請郎權
禮部侍郎兼侍講吳表臣左朝奉大夫權禮部侍郎陳
公輔左朝請郎守起居郎兼權中書舍人樓炤狀准尚
書省劄子奉聖旨令侍從官詳議徽宗皇帝祔廟配饗
功臣伏以徽宗皇帝在位二十六年席盛火之時包富
有之業虛中屈體以來天下之英聚精會神以成天下
之務用能上下一心同底于道千時輔相有故左光祿
大夫尚書左僕射兼門下侍郎贈太師魏國公諡文定

韓忠彥明勲萬成公忠亮達至仕上宰無愧前人建中
之初左右厥辟招徠俊乂列于庶位除苛解寃厥功茂
焉雖居位日淺而始終無疵允所謂以道事君者歟實
有顯效至今稱之伏請配饗奉聖旨依令學士院降詔
曰古之有功於國者書於太常祭於太廟凡與饗于先
王則司勲詔之所以善於無窮也故左光祿大夫尚書
左僕射兼門下侍郎贈太師魏國公謚文定韓忠彥純
誠端亮終始如一德業之盛不忝前人建中之初入踐
冢司損益施設成天下之務開不諱之門塞私邪之路
選賢任能各當其職一時忠鯁之士遂能擊彊禦暴所
向摧折當乎人心後世賴之以克有濟朕覽舊史慨然

嘉歎允所謂世濟其美不損名其以忠彥配享徽宗皇帝廟庭先是禮部侍郎吳表臣言本朝自祖宗以來推擇將臣始終有令德者以配食列聖恭惟道君皇帝道恢在宥德合高明統御宸極二十有六載天下歸仁焉弼亮之賢固有其人失望命官詳議取當時輔佐厚德重望為天下公論所屬者用配清廟序於大丞有古今侍從官詳議聞奏二十七年五月二十五日太常博士張廷實言望依政和五禮新儀今後後宗廟祫饗設祀配饗功臣從之詳見緣事裁制以上中興會要

五年九月十一日太常少卿林栗等言孟冬祫饗在近所有欽宗皇帝廟庭配饗臣寮尚虛其位當時遭值艱

復校銷

難莫救淪胥臣寮罕可稱述而以身徇國名節累著者
不無其人雖生前官品不應配饗之科然事變非常難
拘定制乞特詔侍從墨諫集議以聞預於十月三日裕
饗以前降付有司施行從之已而吏部尚書汪應奏當
時死事之臣前後非一建文以後皆次第褒贈今若令
配饗欽廟典故所無如創行之又當訪究本末差次輕
重有所取舍尤不可輕易竊謂配饗功臣既無其人則
當闕之乞特降旨令更不集議其議遂置

要

以上紀道會

授前紙

續宋會要

章穎上所撰劉岳李魏四人傳表言天扶昌運必生樂
侮之臣帝念舊功當有特書之史事關勸激跡貴昭明
敢裒竹帛之藏仰徹冕旒之聽臣粵若稽古誰能去兵
執干戈以衛社稷者固所難能聞聲而思將帥則求之
已晚欲厲有為之志當於無事之時仰惟國家之興尤
得人材之盛開基創業虓將雲蒸復古中興虎臣角立
率屬熊羆之士掃空蛇豕之群名書旂常功耀天地或
繪像於原廟或侑食於大烝爪牙宣勤項背相望當時
稱誦姓名可止於兜啼後世傳聞輒畧尚篤於敵愾頃
紛紜於議論稍變易於是非事實寢以湮微士氣為之

沮抑雖已加於褒典猶未快於輿情非假汗青何由暴
白故太尉威武軍節度使贈開府儀同三司劉錡甚雋
順昌之戰大摧兀术之鋒誰其効功而害能遂爾後閑
而置散故少保武勝定國軍節度使贈太師岳飛兵方
精而可用功竟沮於垂成既挽良謀更成奇禍事皆有
證其書雖見於辯誣言出私家後世或疑於取信故太
尉威武軍節度使贈開府儀同三司李顯忠家世諸李
父子一忠縛檄里昌若鷄豚視偏齊預豫如犬羸羶吞
逆虜志在本朝當具杖策之歸適近秦弓之隆故右武
大夫果州團練使贈寧國軍節度使魏勝為山東忠義
之冠當清口冠攘之衝難血戰於淮陰竟身膏於草野

況又皆志未盡展時不再來失機一瞬之間抱恨九泉
之下雖生未及盡俘於醜類其沒或能為厲於敵人宜
有屢書以旌多伐況大大規恢之畧所宜彰果毅之能
恭惟皇帝陛下天運廟謨日開公道用宣昭於賞罰以
駕馭於豪英代不乏人用則為虎而食梁洋之義士東
多荆楚之奇材怒髮衝冠雄心撫劍墮在上有激昂之
術則凡人懷奮發之心臣嘗忝史官獲觀舊載志紀當
時之實以塵乙夜之觀伏乞斷自宸衷付諸東觀然後
可傳於百世庶幾聳勳於四方張大國家之威發舒華
夏之氣事雖已往可為鑒於將來謀或有道幾成功於
今日臣所撰列劉岳李魏傳繕寫成計七冊謹隨表上

進

卷三十一

賜功臣字

國朝循唐制宰相樞密使初拜必賜焉參知政事樞密副使初或未賜遇加恩乃有之刺史已上階勳高者亦

或得賜太平興國三年賜翰林使饒州防禦使杜彥珪

推忠宣力大中祥符四年賜豐州防禦使王承美翊戴

天禧二年賜富州刺史向漢通保順中書樞密別有推

忠協謀同德佐理餘官則推誠保德奉義翊戴掌兵則

忠果雄勇宣力外臣則純誠順化之名每以二字協意

或造或因取為美稱宰相初加則六字餘並四字具進

加則二字或四字多者有至十餘字天聖八年賜趙德

明功臣凡二十一字國家終寵外臣非常數也又有崇仁

佐運守正忠亮保順宣德忠正保節宣忠亮節之號文

武迭用焉中書樞密院所賜名若罷免或出鎮則改之

亦有不改者乾道二年范質王溥魏仁浦罷相渾化二

年呂蒙正罷相太平興國八年石熙載罷樞密決大中

祥符八年寇準罷樞密使皆不改賜功臣又有官不當

賜而特賜者開寶四年秘書少監韶州刺史王明太平

國八年度利使陳從信戶部使却正並賜推誠相戴其

諸班直禁軍將校則賜拱衛衛聖諸號遇恩累加但改

其名不遇兩字其因舊名而始被賜及緣功寵而別為

美名者咸畧記其人又國初功臣有扶天保慶致理竭

忠輸誠効義忠力効忠毅勇保塞之號皆漢周時所賜

今亦不錄元年錫王彥超推誠奉義順德翊戴正亮

佐運開寶四年賜曹彬李進卿党進等推誠佐運

同德宣力奉節開寶四年賜皇子德昭推誠奉節

同德保順 順節門開寶四年賜陳洪進推誠順節忠
正翊戴 保節 開寶四年賜李重勲推誠保節宣力
効忠 開寶四年賜白進超効忠宣力 開吳鎮越
崇文耀武宣德守道開寶五年以此十二字賜錢俶
推忠佐理建隆二年以此四字賜趙普 推誠奉義同
德翊戴 建隆二年賜王景推誠奉義同德翊戴 太
平興國初或改奉義為奉國 守正保德 建隆二年
賜皇弟推忠守正保德 協謀 乾德元年賜趙推忠
協謀佐理 保順 乾德元年賜皇弟協謀同德保順
宣力乾德元年賜李崇矩推忠宣力保保義 賜宋
延偓推忠宣力保義賜張永德等推忠保義同德 太

平興國元年或改為保順 効節 乾德元年賜王金

德推忠効節 協力乾德元年賜高懷德推忠協力保

順 順化 乾德元年賜陳洪進推誠順化 承家保

國宣德守道忠正 正字舊同仁宗廟諱恭順 乾德元

年以承家保國等十二字賜吳越王錢俶 崇仁 乾

德元年賜符彥卿崇仁昭德宣忠保正翊亮 開寶六

年賜高麗王王昭推誠順化守節保義 翰誠 開寶

六年賜孟元喆翰誠保義翊戴 奉國 開寶六年賜

伊審徵焦繼勲吳虔裕推誠奉國翊戴 竭誠奉化

太平興國五年以此四字賜瓜沙州曹氏祿 承天懷

忠 太平興國七年賜皇子衛王德崇承天佐運懷忠

守正 寧江鎮國 太平興國二年賜寧江鎮國 雍熙元年

年賜漢南國王錢叔寧江鎮國崇文耀武宣德守道保

保運忠正 雍熙二年賜皇子陳王崇仁保運忠正

安時 端拱元年賜南陽國王錢叔安時鎮國崇文耀

武宣德守道 興拜 淳化三年賜趙普興邦佐運同

德翊戴忠正 効順 至道三年賜趙普保運推忠効

順 亮節 景德三年賜趙德明推忠保順亮節翊戴

忠亮 天禧二年賜王欽若推誠保德崇仁忠亮翊

戴 協奉昭順 天聖二年賜楚王元佐推誠協奉昭

順同德崇仁宣忠亮節守正保運翊戴 純誠 乾興

元年賜趙德明推忠宣德崇仁保順純誠亮節協奉守

正朔戴經邦

天聖二年

賜王欽若推忠協謀同德守

正經邦佐理

贊治

天聖八年賜德明推忠宣德崇

仁保順純誠亮節協恭贊治佐運守正朔戴

體寧七

年十二月賜皇子永國公俊體仁保運同德

宣仁熙

寧八年四月賜皇子景國公憫宣仁翊運

雄勇此

下賜武臣掌兵者

忠果衛護拱衛此下賜諸班直禁

軍衛士將軍

州衛衛聖

大中祥符元年二月詔諸

班已賜雄勇者各加衛聖

以戊辰赦書從事也忠勇

拱極英勇獲聖奉慶

天祐元元四月賜諸班衛奉使

果毅肅衛

贊運

熙寧十年十二月

賜皇子价崇仁贊運

贊運

推誠順化紹

二年三月以賜李光德男賜與節紹興

興五年閏二月加賜李陽煥 揚武翊運 紹興六年

四月賜韓世忠 和衆輔國 紹興七年三月賜劉光

世 安民靖難 紹興九年正月賜張俊順化賜賜李

天祚 崇義 紹興十年十月加賜李天祚 懷忠

十三年正月加賜李天祚 保信 十四年十月加賜

李天祚 竊德十七年十一月加賜李天祚 安遠

二十一年二月加賜李天祚 承和 二年三年八月

加賜李天祚 東禮 二十六年七月加賜李天祚

歸仁八月加賜李天祚 協恭 二十九年三月加賜

李天祚 勵節 三十年加賜李天祚 繼美 三十

二年加賜李天祚 以上中興會要遵美 乾道元年六

月加賜李天祚

履正。乾道四年正月加賜李天祚

彰善

乾道六年十二月加賜李天祚

彰善

神宗元豐元年十一月二十九日宰臣吳充等言臣等

竊以功臣非古始唐德宗多難之餘乃賜奉天定難之

號不應盛世猶襲陳迹况於重複文意有至二十餘字

加賜未已甚亡謂也恭以陛下聖德神功推而不有即

位以來郡臣引祖宗故事上徽號至于數十而不許類

若臣等何功之有而例蒙恩數寔醜面顏乞並於結銜

細位中先行減罷詔答曰朕惟往古君臣咸有一德比

善戮力同寅協恭務先篤誠靡事誇詡唐之中世時禹

多虞制為功臣寵歟將吏因仍弗革稱謂寔繁溢美過

情空名眩實踵習流弊矜尚浮虛誣豈當然古誠無有
施之近世或適權宜襲於來今固匪通制卿等同子心
德任國疑坐烟幅無華傳大成裕覽觀露奏援據舊章
師先臣鄰願寵功號深自退托弗居寵名嘉乃護明可
即聽許式稽古典董正始官更賴交修共熙庶績宜如
所請知樞密院馮京等繼請從於是又詔管軍臣僚以
下至諸軍班所帶功臣者並罷功臣舊制自推忠佐
理至保運經邦二十二字以賜中書樞密院臣僚自推
忠保德至効順順化三十八字以賜皇子皇親文武官
外臣自拱衛翊衛至東毅肅衛二十字以諸賜班直將
士禁軍上自即位不受徽號於是悉罷功臣號徽宗

政和三年二月二十四日工部尚書修國史詳定鄭久
中劄子先奉朝旨將來經編排臣僚用史冊考定勲德
編類姓名聞奏今來已定到合編類勲德臣僚共一百
一十六人三朝二十八人兩朝六十六人神宗朝二十
二人緣上件人數並係用正史列傳節畧合取勲德編
類成書今若用姓名聞奏深慮不見得所取勲德事實
今欲將上件考定編節到逐朝勲德史傳以列傳見後
為序繕寫成冊係類卷秩引用一冊錄姓名總數仍以
政和詳定國朝臣寮勲德為名後進以副朝廷褒舊念
功之意詔依

賜
酺

金唐

宋會要

太宗雍熙元年十二月十日詔曰王者賜酺推恩與衆
共樂所以表昇平之盛事契億兆之歡心累朝以來此
事久廢蓋逢多故莫舉舊章今四海混同萬民康泰嚴
禋始畢慶澤切行宜令士庶之情共慶休明之運可賜
酺三日酺飲起自秦秦法三人已上會飲則罰金故因
唐景雲開元天寶間舉行之至是郊禋始畢大慶溥洽
有是詔帝因謂宰臣曰朕讀書至睿宗已後賜酺或連
夜至七日九日亦或稱月無乃太甚乎娛樂不可過度
三日為得宜矣明皇令三百里內刺史縣令各率音樂
集都下亦稱二十一日御丹鳳樓觀酺召侍臣賜飲自
樓前至朱雀門張樂作山車旱船往來御道又集開封

府諸縣及諸軍樂人列於御街音樂雜發觀者溢道縱
士庶遊觀遷市肆百貨於道之左右召畿甸耆老列坐
樓下賜之酒食二十二日賜宰臣樞密翰林學士文武
官等宴於尚書省作詩二首以賜其日晚又降中使宣
旨曰今日卿等宴會恐未盡歡其更賜來日宴樂群臣
獻歌詩賦頌者數十人並付史館真宗景德四年二月
七日特賜西京醕三日命宣政使李神福內侍省副都
知閤承翰西上閤門副使曹瑋同治其事十七日御五
鳳樓觀醕近臣預座唯親王別教坊樂端門內為山車
二每車前後設樂凡四部旱船四每船設樂一部以船
翼車而進其進至樓前退至端門樓前東西街為棚各

三每車設樂一部凡六部樂作東西迭進召洛陽父老
五百人座樓下賜飲十八日復御樓賜宗室百官宴於
都亭驛翌日如之自是凡賜酺皆遣官幣大中祥符元年
正月四日詔以天書降賜東京大酺五日以二月初一
日為始二十八日詔應致仕官並赴都亭驛酺宴其御
樓日合預座者亦聽朝臣受命者已辭及到闕未見者
並令預會二月一日御乾元門觀酺召從官及尚書丞
郎給諫侍座兵部尚書致仕宋白預焉樓前築土為臺半門扉上設
教坊樂又駢繫方車四十乘上起綵樓者二分載鈞容
直開封府樂復為棚車二十四每車駢十二乘為之皆
駕以牛被之錦綉榮以綵綳分載諸軍京畿伎樂又於
衢中編木為欄處之徒方市郎肆對列御道百貨駢布
競以綵幘為飾金碧綺繪照耀紛錯召京邑父老
千五百人分為吾番列座樓下帝臨軒傳旨問其安否

再拜連呼萬歲帝舉觴教坊樂作二大車自昇平樓西
北又有旱船四伏之以進棚車由東西街交驚並往復
日再為東望春門西連閣門百戲競作歌吹騰沸
宗室諸親近列牧伯泊舊臣家官為設綵棚於左右廊
廡士庶觀者罵肩疊進車騎填溢歡呼震動有王太歲
者年僅百歲語諸吏曰不識兵戈將六十載今天子明
聖海內清宴豈意垂老覩此太平遣中使就尚書省賜
皆林端喜躍至感泣酣醉而去

知貢舉晁迥等酒食詔諸營教閱諸司工作各給假五

日二日賜文武百官宴都亭驛命內侍就賜教坊樂御

言詩咸令屬和中飲又命內侍賜上尊宗室宴於寧王

元偓宮三日宴宗室內職於都亭驛近臣於宰臣王旦

第都驛亭用樂賜詩及酒果等並如百官四日宴百官

於都亭驛宗室於玉津園五日宴宗室內職於都亭驛

近臣於宜春苑初有司定止賜百官都亭驛宴二日帝

特命分就私第禁苑賜會自是凡賜

五日皆用此例自一日至五日皆令殿前都指揮使劉謙馬軍

都指揮使曹璨步軍都指揮使王隱各會所部將校及

賜諸班直茶酒先是遣使臣押賜諸軍燕會多不從容

極家院指揮等不許赴座專切管又分遣中使六人往河

北河東陝西諸路賜總管鈐轄等宴一應官吏並預而

官給其費十月二十六日東封赦書應西京諸州府軍

監並賜酺三日官給其費十月二十六日詔并代別賜

酺三日時使臣言前設酺宴不豐軍校皆不預會故也

二十八日詔兗州賜酺三日宜以十一月二日為始十

一月二日御兗州之子城門樓觀酺凡三日賜樓名曰

樓前起露臺列山車棚車綵船以載樂從臣侍座兗州

父老諸道進奉使蕃客等宴於樓下賜父老綿袍茶帛有差三日並賜宰臣親王百官宴於延聖寺八日駐鄆州門樓賜樓名曰升中延福十五日駐澶州賜酺宴於行宮之南綵殿是州以行宮迫隘故當宮側結綵為殿賜名駐蹕延禧之殿十二月二十五日詔以封禪禮成賜東京酺五日以來年二月五日為始二年春京師愆雨右僕射張齊賢上言宴樂陽事也甫經上元將事酺飲請俟雨足乃詔權罷酺宴及降雨遂舉前詔仍以三月十六日為始二年三月十六日御乾元樓觀酺自是凡五日是日宴從臣於樓上父老蕃官樓下十七日宴文武百官於錫慶院臣僚有受官未謝者亦赴宗室於

寧王宮帥臣於本司帝作大酺五言詩百官繼和又作
勸酒二韻詩賜之十八日宴宗室內職於錫慶院近臣
於王旦第十九日宴百官於錫慶院宗室於芳園二十
日宴宗室於錫慶院近臣於玉津園帥臣於本司四年
二月十八日分陰赦書西京諸道賜酺如東封之制十
九日詔河中府賜酺三日以二月二十一日為始二十
一日駐蹕河中府御鼓角樓觀酺凡三日賜樓名曰是
日宴羣臣於樓上諸蕃朝貢使父老於樓下二十二日
賜親王輔臣百官酺宴於行在尚書省凡二日二十六
日次華陽頓賜酺宴於行宮南垣之望仙亭賜亭名曰
宣澤二十八日次湘城頓宴虢州父老於行宮門三月

二日駐蹕陝州賜酺宴於州門樓賜樓名曰霈澤惠民
八日詔西京賜酺三日以三月十六日為始十六日駐
西京御五鳳樓觀賜酺十七日宴宰臣親王文武百官
於河南府舍十八日復御樓觀酺初有司將改樓名帝
以五鳳大祖賜名故不改二十六日駐鄭州宴父老於
殿門外不作樂初將設酺宴於子城門賜樓名曰回鑒
慶賜尋以甫近太宗忌日乃詔罷酺止宴犒四月七日
詔京師賜酺五日以時漸炎燠宜以九月十四日為始
後改以二十三日九月二十三日御乾元樓觀酺從臣
侍座父老列於樓下又合樂如是者五日二十四日以
兩輶二十五日復賜酺宴文武百官於錫慶院宗室於

相王宮帝作大酺五言詩賜群臣和二十六日宴宗室
內職於錫慶院近臣於王旦第帝又作五言詩賜相王
元渥已下和二十七日宴百官於錫慶院宗室瓊林苑
二十八日宴宗室內職於錫慶院近臣於玉津園帥會
於本司五年十月二十四日聖祖降詔東京賜酺五日
西京諸路三日六年正月十七日詔東京賜酺宜以二
月六日為始百官放朝參畿縣父老委開封府量地遠
近取二月五日畢集毋先期呼擾二月六日御乾元門
樓酺近臣咸預宴畿內父老於樓下自是凡五日七日
宴文武百官於錫慶院宗室諸親於潛龍園帝作大酺
七言詩群臣皆和八日宴宗室內職於錫慶院近臣於

王旦第帥臣於本司九日宴百官於錫慶院修玉清宮
使丁謂已下於本宮凡自修宮以來凡遇錫宴修宮使
等洎使臣軍校兵匠皆別賜會十日宴宗室內職於錫
慶院近臣於玉津園帥臣於本司其日又賜太常博士
中書堂後官劉明恕等錢二十千羊五口酒十罇令賜
酺日飲會時明恕等上言向來酺宴樞密院副承旨已
下至大理寺法直官皆預堂後官各有正官望比類聞
奏王旦言預宴非便故特有是命七年正月二十日詔
以朝謁太清宮禮畢亳州應天門各賜酺三日羣臣仍
賜會於佛寺門護賜名亳州曰奉元均慶應天府曰重
熙頒慶二十三日御奉元均慶樓觀酺從臣預座宴父

老於樓下賜時服茶絹設山車百戲聽民縱觀二十四
日復御樓宴父老賜羣臣宴於咸平寺帝作大醺五言
勸酒七言詩賜王旦等二十五日以順宗忌罷醺宴二
十六日復觀醺凡三日二十九日御重熙頌慶樓觀醺
召父老列座樓下翌日行十月十一日詔以玉清昭應
宮成賜在京醺五日西京南京三日諸州一日京師以
十一月十日始諸州並以十二月內擇日帝以景靈宮
建邲以來中外協力因命徧額飲宴十一月十日帝御
乾元門觀醺者五日是日近臣咸預宴京畿父老於樓
下賜繇袍茶絹十一日宴百官於錫慶院宗室於瑞聖
園帝作七言詩群臣咸和十二日宴宗室內藏於錫慶

院近臣於王旦第十三日宴百官於錫慶院宗室於瓊
林苑十四日宴宗室內職於錫慶院近臣於玉津園帥
臣會於本司九年四月二十三日詔以景靈宮及兗州
宮觀慶成賜在京酺五日西京南京三日諸州軍監一
日並取八月內陳設諸縣父老有疾病及艱於步履不
願赴者勿強之應赴酺者長吏躬親點閱姓名安酒給
食無令失所七月十二日詔前詔賜酺宜俟來春行之
天禧元年正月七日詔在京賜酺五日以二月三日為
始十日詔以奉上聖號寶冊禮畢賜三京及諸道府軍
監酺五日二月三日御正陽門觀酺大合樂京畿父老
列座樓下賜茶帛衣服如是者五日是日從臣侍座四

日宴百官於錫院二十七日宴宗室內職於錫慶院賜
輔臣果酒時將宴於苑中向敏中等懇辭故罷之四年
九月二十三日詔曰朕祇若靈命撫臨庶邦荷宗稷之
發祥洽清寧之並貺方隅底定表裏咸和屬素律之協
辰慶甫田之告稔稽於前典著合飲之明文乃眷上都
實異方之交湊恩延鯢齒廣惠衢樽在京可賜醕五日
京城兩赤縣父老並令赴其不願者亦聽恩賜如例二
十四日詔開封府賜醕日罪人酤酒而不傷人者咸釋
之醕假內再犯論如法後賜醕皆此詔十月三日詔應
大醕已前授恩命及差遣臣僚並宜放謝辭拜正衙取
便進發其合得例物仰閤門取索支賜五年賜醕亦如

之五日御正陽門觀酺凡五日是日宴皇太子宗室近
臣於樓上父老於樓下西南藩進奉使咸預六日宴百
官於錫慶院宗室於涇王宮帝作七言詩賜之七日宴
宗室內職於錫慶院帥臣於步軍司八日宴百官於錫
慶院宗室於瓊林苑九日雨輟酺宴帥臣於殿前司十
日宴宗內職於錫慶院近臣於丁謂第帝自仲春不豫
至是康復五日御闕門民庶瞻望咸願罔不歡忭五年
二月二十一日詔曰朕每念蒸民之重且思庶獄之繁
中宵疚懷當食興歎屢申戒勵冀免滯淹眷乃攸司克
遵朝旨削封章而來述按牘之無留囹圄盡空憲令幾
措而又青春在序玉燭揚明百卉芳華即生茂遂降康

之慶豈獨於眇冲合飲之歡宜均於遠邇在京賜酺五日西京南京三日諸州一日先是審刑院奏無留按察臣丁謂賀雨因上言聖躬康裕人情欣悅欲望賜酺所冀萬姓瞻仰天顏與人共樂帝可之乃下詔三月五日閤門言每遇太酺前後殿下座內客省使至閤門祇候內諸司使副宗室將軍已下公服繫鞋內東門起居宰臣親王已下應侍宴臣僚繫鞋於天安慶院帝作景靈宮慶成賜酺七言詩賜令繼和又宴宗室於相王宮五日宴宗室內職於錫慶院近臣於向敏中第六日宴百官於錫慶院宗室於瓊林苑七日宴宗室內職於錫慶院近臣於玉津園帥臣各於本司二年八月十四日詔

前歲上聖號寶冊所賜醕今秋豐稔可追行之九月二十三日御正陽門樓觀醕自是凡五日是日皇太子洎從官侍座京畿父老列座樓下賜縣袍茶帛有差二十四日宴百官於錫慶院宗室於通王宮帝作大醕七言七韻勸酒四韻詩分賜之二十五日復御樓宣賜父老後三日皆然宴宗室內職於錫慶院近臣於向敏中第帥臣於步軍司二十六日宴殿門外起居隨駕登樓皇親已下并駙馬都尉中筵後依例不座勾當賜醕諸司副於朝元門外次已解未發合赴醕宴團練使已下別班起居執毬仗供奉官於靈臺北勾當賜醕內侍使臣於靈臺南次軍巡使巡檢廂都指揮使已下並常起居

次父老起居訖赴座從之三月六日御正陽門觀酺皇
太子近臣並預賜父老衣服茶帛有差七日復御樓自
是凡四日宴百官於錫慶院宗室於涇王宮八日宴宗
室內職於錫慶院九日宴百官於錫慶院宗室於涇王
宮十日宴宗室內職於錫慶院近臣於丁謂第帥臣各
宴於本司

卷之四
四千二百字

宋會要

旌表

太祖開寶七年陳州項城民常真父母死廬墓終喪負
土成墳不如章血詔旌表門閭先是周廣順中已賜旌
表至是再有是命其後妻病子晏割股肉以食母及死
次子守規徒跣日一食廬墓三年太平興國八年又詔
旌表之 太宗太平興國三年七月濟州言金鄉縣民
李光襲十世同居內無異爨詔旌表門閭常稅外免其他
役 四年十一月徐州言彭城縣民彭程四世同居旌
表門閭常稅外免其他役 五年四月襄州襄陽縣民
張巨源五世同居無異爨詔旌表門閭巨源嘗習刑名
書特賜明法及第 又濟州言金鄉縣民李延通自唐

武德以來同居內無異爨世世廬墓或父母病必割股肉以食詔旌表門閭六年十一月詔冀州阜城縣義門戶李罕澄宜旌表門閭罕澄義居代居家百餘口漢乾祐三年詔改鄉里許立義門仍加旌表至是罕澄上言願別降恩旨故有是命七年江州言德化縣民許祚八世同居長幼七百八十一口詔旌表門閭五月陝州言湖城縣張文裕六世同居無異爨詔旌表門閭常稅外免其他役雍熙元年京西轉運使言襄州民劉方五世同居宗屬凡百口詔旌表門閭二年十二月洪州胡仲堯三世同居家屬百五十口以孝義聞詔旌表門閭三年二月南劍州民張虔父死廬墓

墓側瑞草生詔旌表門閭加賜粟帛 至道三年台州
黃巖縣民郭琮事母極恭順轉運使以聞詔旌表門閭
琮幼喪父及娶妻有子孫移居母室凡母之所欲必親
奉之居常不迺中食絕飲酒茹葷者三十年以祈母壽
母年百歲耳目不衰飲食不減鄉黨異之詔書存恤而
有是命 八月南康軍建昌縣民洪文撫六世義居室
無異爨詔旌表其門閭 真宗咸平元年劍州普城民
張岫一七世守塋域有甘露降墓栢詔旌表門閭又江
陰軍民陳思道喪父事母兄以孝悌聞詔賜束帛仍旌
表其門閭 思道以鬻醴為業母病思道衣不解帶者
數月雙目瘡爛食飲隨母必自母喪水漿不入口七日

既葬盡取鬻醢之利得錢十萬奉兄結廬墓側日夜悲
慟思道妻時携兒女詣之思道拒不與見夏種瓜以待
過客晝則白兔馴狎夜則虎豹環其廬而臥本軍以聞
而有是命 景德二年池州言青陽縣民方綱八世同
爨家屬七百口居舍六百區每旦鳴鼓會食詔旌表門
閭 大中祥符元年資州民黃德興葬父母負土成墳
甘泉湧其側詔旌表門閭八月詔旌表門閭人自今稅外
免其雜差役 天禧四年二月詔諸州旌表門閭戶與
免戶下色役自餘合差丁夫科配即准例施行 仁宗
天聖元年八月十四日洪州旌表門閭光祿寺丞致仕
胡仲容言為州縣令同人戶差配乞依江州義門陳氏

例蠲免詔本路轉運司契勘舊例施行 七年三月六

日試國子四門助教劉中正上言家本襄州以義居表

門昨授試秩今遇放選乞依鮮于播例注官從之 皇

祐二年五月十三日河北轉運司言定州安喜縣民李

能同居十世乞旌表門閭從之 嘉祐八年英宗即位未改元

八月二十五日河北轉運司言北京冠氏縣陳文翊九

世同居聚旌百口閨門雍穆及子孫有因葬父負土成

墳者詔旌表其門閭 英宗治平三年十二月二十三

日詔應天下義夫節婦孝子順孫事狀灼然為眾所推

者委逐處長吏按聽聞奏當與旌表門閭 哲宗元祐

元年四月二十一日詔故太常寺太祝包億妻壽安縣君

崔氏特封永嘉郡君仍旌表門閭以保信軍言其節行著於鄉里也 六月二十二日禮部言太原府交城縣民褚文自唐義聚九世二百餘年詔旌表門閭 八月四日杭州民俞舉慶七世同居家園木連理州以聞詔特旌表門閭 三年四月二十七日永監軍博野縣民張永昌五世同居詔加旌表 七年三月九日唐州言本州泌陽縣故江寧府錄事參軍吳^贊女年二十四歲歸布衣王令未一年令卒獨有一子其兄欲嫁之號泣弗許歸老于家今三十二年居于黃池陂每歲農隙躬率田夫數千人治陂水灌田利及一方邑人服其教令欲乞特賜旌表詔賜緡一十匹米一十石 六月七日

睦州言青溪縣百姓宋安世九代一門望旌獎以風四方詔賜米絹各五十石匹 九月二十六日岳州言前通判潭州黃誥廬父墓三年生芝草甚衆詔本州支賜絹五十匹仍以誥知歙州 八年十月十八日翰林學士兼修國史范祖禹言昨修神宗皇帝實錄伏見元豐六年實州奏資陽縣民支漸熙寧中喪母因廬墓則諸祥備至詔賜粟帛臣修正史再牒資州會問支漸見年八十元祐五年內髮白再黑四齒落復生聖授漸一長史助教名目旌其至行詔支漸與資州助教紹聖元年十二月五日詔衛州王奎言本州節婦王氏為安時妻暮年而女時卒婦方孕後數月生男曰岸婦哀

其舅姑甘旨無奉且幸有子以為之託乃自守弗嫁今
十二年奉養舅姑無失教育訓子有方鄉人稱之請申
賞典以勵志節詔賜米十斛絹十匹 元符二年四月
二十三日詔賜前後州景陵縣主簿趙隨帛三十匹米
三十石以奉州言隨表母廬墓故旌之 徽宗崇寧元
年五月二十九日處州言麗水縣童子周奇九歲喪母
卧墳側二年有赤雀十數巢其旁皆可俯窺詔賜粟帛
四年十二月二十六日興元府言城固縣民周文綰
妻父患次男周任割肝與母即日平安除已比附割股
支與倒物記今後如有以此為祖父母父母割肝乞遍
下諸路依割股條支賞施行禮部檢准敕京畿轉運司

狀陳留縣王堅為父割肝乞優加支賜詔支絹五匹米
麵各一石酒二斗禮部勘當如有割肝之人欲依上件
則例支給從之 五年八月十五日蘇州言崑山縣寄
居前本州巡塘供奉官趙約之妻夏氏為患日久有男
公通割股救母痊復禮部檢到潤州奏市易務監官供
奉官趙叔銳為母患割股詔支賜絹三十匹米十石麵
十石酒一石本部看詳法案檢到常人割股給賜條格
無似此宗室之家支賜體例詔趙公通依趙叔銳例減
半支給 大觀元年四月二十九日詔安化軍城縣民
王文為假將仕郎賜袍笏并帛米麵酒以文母病卧永
得魚也 閏十月十八日通仕郎繆潛言伏為臣營葬

祖父母有鶴飛塋上河北西路提舉常平司敷奏蒙恩特循一資及賜絹五十匹米十石念父諫素行著於鄉里訓臣有方遂至叨忝科第臣祿養弗逮欲將今來循資恩命支賜米帛更不祇受乞回授臣父一官詔繆潛依已得指揮與循一資米帛更不支給繆諫特贈承務郎二年三月十二日棗州言猷次縣申百姓蘇功成病重長男十三次男十四次男十五三人割股與父食當時安樂又功成妻阿杜患半月未安其男三人亦是割股與母食得安州司雖依條支賞賜緣童子無知能割兩股肉以愈親疾欲望別加旌賞乞降史館詔送祕書省其蘇十三等三人各支賜絹二十匹三年七月

九日權知兗州王詔言檢准崇寧四年十二月二十六日敕節文今後如有為祖父母割肝之人支絹五匹米麵各一石酒二斗竊見本州諸縣累申諸色人割肝官司驗視多見肋脇間微有麻痕若果傷臟腑理無生全緣愚民無知利於給賜妄自傷殘欲乞朝廷詳酌刑去上條杜絕偽冒之弊詔崇寧四年十二月二十六日偕揮更不施行 政和二年七月二十六日提舉永興軍等路學事施綱言願考周書表厥宅里之義取行實之尤者旌其門閭以為一鄉之勸從之 三年三月六日江寧府言故諫議大夫天章閣待制王雱止有一女三歲而雱卒及長適通直郎呂安中生一女而安中卒時

王氏年方二十有七持喪如禮及服除即歸宗守義自
誓正潔或謂以改嫁王氏獨毅然謝絕頃居母蕭氏喪
哀毀過制宗族稱歎治閨門有法不妄笑語內外整肅
至於追遠奉先皆可矜式故夫呂安中雖任通直郎緣
未經大禮而安中卒王氏遂無封邑伏望朝廷特賜旌
表加之封號非特上副聖時崇獎安石父子之意亦足
為天節婦之勸從之 四年十一月仙井監言民樊譚
母趙氏病割股以療母五月思橙譚泣橙木下得實以
饋詔以譚為榮州助教 六年六月二十七日詔開封
府東明縣民陳奉安尉氏縣民張師厚並令旌表門閭
以奉安父攷廬墓罷遣妻子師厚兄弟同居三十餘年

故也 七月杭州言胃化縣民章欽妻何氏病長婦潘氏割股次婦盛氏割肝相繼食之而愈詔旌表門閭八月詔贈吉州吉水縣項氏為孺人以彊民脅迫不從斷指而死故旌之 九月二十九日淄州言學生張祁狀父受八歲叔滿三歲亡失祖父晟受與祖母孀居自後祖母繼亡受幼孤立義居到今五十餘年乞依王權義居體例給賜旌表門閭詔張祁本家特賜旌表門閭十月三日淄州言淄川縣稅戶趙唐第五人自元祐間父母亡歿居喪盡禮服闋之後誓不分居到今二十餘年其家六十餘口聚於一門兄友弟恭長慈少謹雖義居年深長幼無異言上下同一心緣此孝義家資數

倍然一戶內累經重難差役諸子爭相為先乞立義門
詔趙唐特賜旌表門閭 七年正月十二日翰林學士
許光疑言臣前知河陽日伏見故大理寺丞陳芳家同
居三百年一門十四世無異籍之親實聖朝美事詔陳
芳旌表門閭 五月二十八日鄆州言平陰縣民楊岷
四世同居鄉黨高其義詔旌表門閭 宣和元年二月
二十八日興仁府言民宋端營產贍兄義節顯詔旌表
門閭 四年五月三十日開封尹王革言陳留縣民楊
珪母亡廬墓後因屋仆出無所損眾謂孝感封丘縣民
李從善與弟文元昌析居後文貧乏從善元昌復以財
產同居故孟京傑妻王氏年二十二寡居男始四歲父

母婢再適王氏剪髮自誓鄰里不識面節義卓然乞並
賜褒顯詔楊珪李從善旌表門閭王氏特封孀人五
年二月十八日詔越州女子湯氏特封孀人賜帛十匹
以守臣言其節操正潔彊暴不能侵陵故旌之七年
正月二十九日提舉京東東路常平劉敏才言巡歷至
萊州膠水縣訪聞得本縣百姓安平幼失父母長能遷
葬受顧得錢充食用之費躬自負土為墳二十六歲至今不
已獨自庵居守墳無子孫者亦與安葬其純孝
卓行出於至誠伏望優寵激勸風俗詔安平支賜絹十
匹十一月十九日南郊制如有曾被旌表門閭者仍
依式建立以示激勸應天下義夫節婦孝子順孫委所

在長史常加存恤事狀顯著者具名奏聞 高宗建炎三年四月八日敕應忠臣孝子墳墓所在仰州縣檢照圖經驗實量加封護不得侵損如有曾被旌表門閭者仍依式建立以示激勸 十一月三日德音應天下義夫節婦孝子順孫委所長吏常加存恤事狀顯著者具名聞奏 紹興元年十月十四日詔實文閣待制廣州林適當苗傳劉正彥作過之時首先致仕可除龍圖閣直學士以寵其節 五年九月十七日常州奏垂慶鄉民潘念八取肝救父致疾痊損乞加旌賞以敦風化詔賜緡五匹米五斗麵五斗酒一斗仍令本縣常切存恤

十月二十六日楊珪母太宜人郭氏特贈郡夫人郭

氏在偽齊獨令男珪歸正不從偽命拘留偽地死於國
事忠義可嘉故有是命 七年五月二十二日南平軍
奏據隆化縣化成鄉民戶言稅戶羅紀妻李氏在姑王
氏墳側結茹誦經日負土積墳者三晝夜號泣孝道彰
聞遠近欽歎乞賜旌賞以崇風化詔令本軍量賜粟帛
仍常切存恤 九年五月二十一日處州言青田縣柔
遠鄉民梅仲真死其孫元眉方七歲哭泣無時每夜常
抱棺木睡不嗜肉味逮至出葬元眉即隨喪往葬所將
蓋棺間元眉哭之慟即跳身入槨內凡送喪人無不驚
駭及葬畢親客俱散元眉伏地不歸是夜半即有羣鵲
喜噪忽見祥光遍照塚所童子孝行尤異乞加旌賞詔

令本州量賜粟帛

六月八日詔盛修已特贈武翼郎

閤門宣贊舍人令本州守臣封表其墓仍送史館修

已建炎三年十月以保義郎權通判宿州拒賊不屈遇

害因州民請而有是命 八月二十九日詔賜成州同

谷縣民趙清臣旌表門閭 以成州言清臣事父母至

孝事兄嫂至謹母病則刲股以進兄亡則恤孤甚恩加

耕以救貧乏出穀以助軍須而其長子廷產次子和皆

孝第異常故有命 九月四日簽書樞密院事樓昺言

臣入陝西采問節義之士有原州通判米璞當劉豫僭

竊羣僞爭進之日杜門謝病終不受汚闕陝之人見璞

則知有朝廷前知隴州劉化源建炎間守隴州城既陷

虜使人守視之不得死驅入河北販賣蔬菓隱民間十年卒不屈辱以歸前博州簽判劉長孺當劉豫僭逆初萌之日嘗致書於豫勸其轉禍為福豫毀除告命囚之而日後復起之以官終不屈三人皆老病乞並特除官觀差遣仍與進官庶幾激勵風俗及有陰暍陷隔以來守節不仕已具奏乞差充鳳翔府教授欲乞更賜褒擢從之十年五月一日詔以達州文學睦昇為修職郎令本路帥司與陞等差遣權州言昇不仕金國為齊故命之十三日臣僚言乞倣漢及國朝故事詔諸路州縣長吏精加察舉所部內有孝行殊異卓然為衆推朕者皆以名聞士人擢用民庶表其門閭厚加賜予以旌別之或有其人

而不舉或舉非其人者皆罰之庶幾中外政式欽愛之
風無愧前古從之 閏六月十一日詔以右迪功郎王
錫為承務郎丹州言嘗有薦寵於偽齊令擢用寵託疾
不行不受偽命故命之 八月七日權發遣廣德軍洪
興祖言本軍廣德縣左迪功郎李彭年言行有常鄉里
稱孝昨者賊兵入境彭年二親相繼被害冒犯白刃收
歛營葬追慕哀慟人不忍聞除喪累年蔬食飲水誓終
此身詔及其親悽愴泣下出於至誠委有顯迹可以激
勵風俗詔賜旌表門閭 同日南平軍言隆化縣弓手
吳沂事母至孝養生送死兩盡其節乞賜旌賞詔令本
軍量賜粟帛 十一年正月二十九日徽州言休寧縣

缺字應旁
寫下同

民程柘妻李氏病男程缺即割股以進之遂安詔令徽
州依格給賞仍令本縣常加存恤 三月二十一日詔
賜中亮大夫缺州防禦使權發遣熙河蘭鞏路兵馬鈐
轄缺都護右部同統制程俊旌表門閭 以鄯延安撫
司言其孝於父母義於兄弟委有實跡乞賜旌表故有
是命 五月六日詔賜成州同谷縣民澤家旌表門閭
以澤家六世不分兄弟和睦澤存撫遺孤鞠養貧族行
義異常植物見瑞成州言其實狀故有是命 六月二
十九日詔賜全州葛全鄉免解進士蔣舉旌表門閭
全州奏舉持喪盡節結茅守墓孝行感動十芝生於墳
側乞賜旌表故有是詔 十二年九月十三日赦應孝

子順孫義夫節婦所宜旌表以厚人倫事狀顯著仰長吏保明以聞 十二月十二日詔賜明州楊慶行旌表門閭 以本州言慶行累割肝乳以愈親疾乞賜旌表故有是詔十三年三月六日詔信州銘山縣民王小十割腹取肝以愈母疾可旌表門閭易其鄉名為旌孝仍宣付史館從本州請也 六月三日詔賜興化軍莆田縣國學進士郭義重旌表門閭 以本軍言義重事親至孝母死廬墓竭盡哀節感致瑞物乞加旌表故有是詔 十月二十五日湖州言長興縣民華小九取肝以療父疾孝行顯著乞賜褒加詔賜旌表門閭宣付史館 十八年閏八月二十五日潮州言保義郎林昌朝自

廣州五管廣

南東路經略

安撫司公事

陳植

任之

德

以

曾祖以來四世不析居異財一家長幼並循禮法紹興

六年本州荒歉昌朝出米以濟貧民全活者甚衆詔賜

旌表門閭乾道五年四月二日權發遣詢問風俗有

士民等陳狀稱仰惟朝廷孝治均被天下雖在遐陬民

知觀感近年本州劉氏二女割肝割股以療母疾州司

具奏雖恩獎未下衆竇欽慕邇來有傷風敗教如陳

植陳謹兄弟平日與其姊有間言一日姊死植謹訴其

夫以為毆姊致死必欲陵辱其軀檢驗至四並無他故

植謹致坐虛妄聞風俗係教化莫大於此詔劉氏本家

賜旌表門閭仍宣付史館令本州依格倍給支賜陳植

陳謹疾速根勘具案聞奏令刑部立法申尚書省六

年十一月六日大禮赦應忠臣孝子墳墓所在仰州縣
量加封護不得侵損如有曾被旌表門閭者仍依式建
立以示激勸 九年二月十五日詔雅州榮經縣進士
趙全邵州邵陽縣學生聶致堯各以孝行節誼顯著并
寧國府宣城縣百姓俞楫三世兄弟同居遵奉先訓保
家勤儉並賜旌表門閭以逐州應赦保奏故也 十一
月二十五日詔漢州什邡縣進士陳敏政家特賜旌表
門閭自敏政高祖母王氏遺訓至今五世同居以孝友
儒業著聞鄉黨推慕本州保明聞奏故有是命 淳熙
二年十二月十七日慶壽赦應孝行節義著於鄉閭者
令長吏保明以聞當議旌 三年十一月十二日南郊

赦應義夫節婦孝子順孫委所在長吏常切存恤事狀

顯著具名以聞

六年九年明堂赦同

淳熙十六年二月四日登

極赦應孝子順孫義夫節婦所宜旌表以厚人倫事狀顯著者仰長吏保明來上其間孝行卓異之士別項保

奏

紹熙二年十一月二十七日南郊赦應義夫節婦

孝子順孫委所在長吏常切存恤事狀顯著者具名以

聞應忠臣孝子義夫節婦墳墓所在仰州縣檢照圖經

驗實量加封護不得侵損如有曾被旌表門閭者仍依

式建立以示激勸 紹熙五年七月七日登極赦應義

夫節婦孝子順孫所宜旌表以厚人倫事狀顯著仰長

吏保明來上其間孝行卓異之士別項保奏 嘉定四

年九月六日詔真州揚子縣懷義鄉里居吳汝明賜旌
表門閭令長吏致禮以守臣潘友文言汝明積世同居
慈孝輯睦母病刲股全活所居舍側芝草發生蝗蝻犯
境不食其家禾稼賑救飢困全活為多門首異木合生
人皆稱義木照明堂赦文具名以聞故有是命 五年
二月十四日江州言德安縣進士陳炎狀積世義居始
自唐朝更歷五代皆曾旌表至于本朝累被聖恩因遭
兵火家屬離散自建炎以來高祖至炎及孫委實七代
同居有一百餘口自幼至長不蓄私財鄉里父老衆所
共知乞加旌表詔與特賜旌表門閭仍令長吏致禮
七年十一月二十日江南西路轉運司言吉州安福縣

進士彭經與弟顯綱繼累世孝義居喪以及父喪十年
卻酒肉每飯以食置于庭畢集乃飯否則莫敢先私室
惟藥爐外雖瓶罍亦不敢設其童稚皆有徐行後長之
習高伯祖謨叔祖育其後不傳經等為之經紀甚備非
忠信孝悌不出諸口不行諸身欲照赦書旌褒以為天
下之勸詔特旌表門閭仍令長吏致禮 淳熙三年三
月十六日詔成州天水縣民胡公預家令本州倍賜束
帛旌表門閭仍宣付史館既而成州言公預建炎初被
金人虜至河中府公預與子璋告以父母垂白無人供
侍虜慙而縱之得歸母李氏憂念哭泣將失明公預舐
目復明其子璋又善承顏子孫世世義居故有是命

九月三日詔吉州安福縣鄉貢進士劉承弼旌表門閭
仍令長吏致禮既而吉州言承弼事父母至孝居母喪
哀毀骨立孝行節義實宜旌錄故有是命 十二月二

十九日蘄州言黃梅縣民戶甫三世同居詔旌表門閭
六年正月二十九日詔潼川府中江縣進士楊榆旌
表門閭既而縣人言榆母病剔肝供饋潼川府上其事
故有是命 九年十二月六日詔新筠州臨江軍巡轄
馬通鋪王忠直孝行俱聞世實希有特與陞等差遣令
福州依格給賜仍宣付史館以父進任福州縣令因患
危困忠直七別股一取肝救父痊愈繼燃臂謝罪于天
以福州奏聞故有是命 十二年十一月三十日平江

府言武功大夫英州刺史特添差浙西副總管趙取肝開
救父詔開趙昔忠於國今孝其親可特轉濮州團練使